

بِسْمِ اللَّهِ الرَّحْمَنِ الرَّحِيمِ

KHUTBA JUMMAH

HAZRAT MUHYI-UD-DIN AL-KHALIFATULLAH
Munir Ahmad Azim

19 Juin 2015 ~
(02 Ramadhan 1436 Hijri)

Ramadhan Mubarak !

(Résumé Khutba)

Après ki li fine salué tous so bane disciples (et tous bane musulmans) entier le monde avec la salutation de paix dans l'Islam et souhaite zot tous « **Ramadhan Mubarak !** », Hadhrat Muhyi-ud-Din (atba) fine lire Tashahhud, Ta'uz, Surah Al Fatiha, et Verset 184 de Surah Al-Baqara et li fine ensuite dire:

○ يَا أَيُّهَا الَّذِينَ آمَنُوا كُتِبَ عَلَيْكُمُ الصِّيَامُ كَمَا كُتِبَ عَلَى الَّذِينَ مِن قَبْلِكُمْ لَعَلَّكُمْ تَتَّقُونَ

Yaaa-'ayyu-hallaziina 'aamanuu kutiba 'alay-kumus-Siyaamu kamaa kutiba 'alal lazina min qablikum la-'alla-kum tatta-quun.

« **Ô bane ki ena la foi! Le jeûne (Roza) fine prescrire lors zot, pareil couma ti prescrire lors bane ki ti avant zot, pour ki zot vine pieux.** » (Al-Baqara 2:184)

Par la grâce immense d'Allah, Allah fine donne nous le *Tawfiq* encore ene fois pou témoigne ene l'autre mois Ramzaan ; ene telle mois ki pas ressemblé aucaine les autres mois parski c'est ene mois bien spécial et ki béni par Allah, et ki so récompense c'est pou gagne Allah même comme récompense. C'est-à-dire, c'est ene tel mois kot Allah même fine ordonné pour garde *Roza* (carême) et bane ki observe le *Roza* couma bizin, alors zot gagne Allah même comme récompense. À sak fois ki sa mois exceptionnel là rapproché de nous et li accueille nous dans so lé bras, l'émotion vine pli fort et lé cœur vine pli sensible. Sak musulman sincère attane sa grand jour là avec impatience – « *Ramadhan kan eski to pou vini ? Nous oulé ki to vini bien vite !* » Sa impatience pou accueillir mois Ramzaan là li trouve dans la nécessité pour ene croyant pou purifier li, tant physiquement ki spirituellement.

Si ene musulman exprime li avec sa bane mots là, alors, li sans aucaine doute conscient de vrai valeur de sa mois là et de bane nombreux bienfaits ki sa mois là renfermé. C'est le mois de bénédiction d'Allah, kot dans so commencement ena miséricorde, so au milieu ena le pardon, et so la fin ena libération de difé l'Enfer. C'est dans sa mois là ki ena ene la nuit ki meilleur ki mille mois (*Laila-tul-Qadr*) et c'est ene mois kot bane récompense de bane bons actions zot multiplié. Substance (l'essence spirituelle) d'ene croyant li augmenté et bane faveurs ki vine de la part d'Allah (swt) contigné déssane lors li. C'est le mois de l'endurance et de pardon. Et récompense de l'endurance, c'est paradis.

Kan ene serviteur d'Allah réalise tout sa là, so lé cœur vine mou et so la poitrine ouvert pou accepté la vérité. De sa façon là, la soumission vine so priorité tout le long de sa mois ki rempli de bénédiction là.

Eski l'heure pas fine arrivée pour ki bane musulmans manifesté zot contentement, zot reconnaissance et zot gratitude envers Allah (swt) ki fine garde zot vivant ziska l'arrivée de Ramzaan? Sak musulman conseillé pou accueillir sa mois là par le repentir et par prépare li pou garde *Roza* et passe so bane la nuits dans Namaz et duahs avec ene bon l'intention et ene détermination fort. Ki ena pli meilleur ki sa?

Médite lors sa parole d'Allah là:

« Dire zot: 'Sa c'est ene faveur et ene grâce d'Allah' ; Pour sa, zot bizin réjouir. Et sa li meilleur ki fortune ki zot amassé. » (Yunus 10: 59)

Ramzaan fine vine vers zot ! C'est ene mois de bénédiction parski Allah (swt) enveloppe zot avec la paix et faire dessane la miséricorde. Li enlève tous bane fardeau de péché de bane croyants et Li exauce zot bane supplications. Allah (swt) guette zot fer compétition (*Fastabikul-Khairaat*) avec beaucoup de zéffore dans sa but là, et Li faire zot bane éloges avec So bane anges. Alors montré Allah le meilleur de zot-même, parski li pou bien malheureux celui ki privé de la miséricorde d'Allah ki tout puissant et ki possède tout majesté ! Allah fine donne zot l'occasion pou tourne paaze et recommence vivre pour la cause d'Allah en témoignant à Allah tout zot l'amour.

L'arrivée de sa mois béni là intensifié sans doute la foi de tous bane musulmans. Sa la foi ki unir nous et ki exhorte nous pou tenir bane liens de la fraternité (islamique) bien fort. Pendant sa mois là, nous tous bizin conforme nous à sa même la loi là, c'est-à-dire, ki nous bizin abstenir nous pou ni manzé, ni boire et pou pas gagne bane relations sexuelles dès l'apparition de l'aube ziska coucher du soleil. Ene dimoune riche li bizin abstenir li, et sa li de même pour celui ki pauvre, et sa appliqué aussi à ene travailleur et pou ene étudiant aussi. Tout sa la loi là appliqué à bane jeunes et aussi bien à bane ki pli âgé. De ce fait, la fraternité li belle et bien présent. Li manifesté généralement dans partage de *Iftaar* dans masjeed, en famille ou entre voisins. Nous

tous attane sa moment là kan nous pou capave partage l'évolution de NOUS Ramzaan ; mo préciser NOUS Ramzaan, parski Ramzaan c'est NOUS avant tout ; si nous oulé forme partie de sa fraternité là, alors faudé ki c'est NOUS ki fer le premier pas. C'est à nous pou prend le devant en répandant le bien et consolide bane liens.

Le Saint Prophète (saws) fine dire: « *Bane croyants, dans zot bane liens d'amour et de miséricorde ki unir zot les z'un les autres, zot couma ene lécorps. Kan ene membre souffert, lécorps là entier agir et vine so support par reste éveillé et (par) la fièvre.* » (Boukhari). En d'autres mots tout lécorps là souffert !

Ramzaan génère certainement sa sentiment d'unité là! Ramzaan développe et amplifié bane relations humaines kot li encourage bane dimounes pou vine support de bane les autres et aide zot. Pendant sa mois là, ena ene démonstration bien élevé de générosité de bane dimounes. Ene dimoune pas hésiter pou dépenser parski li trouve li-même dans sa même situation ki beaucoup de bane dimounes ki pauvre vivre tous les jours, kot zot bizin fer face à la faim et la pauvreté. Alors ene Rozédaar capave par consékan éprouve la compassion envers sa bane kalité dimounes là et vine pli généreux envers zot. La générosité capave exprimé de plusieurs façon; sakaine donne saki li capave, et celui ki pli généreux envers bane serviteurs d'Allah (swt), Allah (swt) pou pli généreux envers li. Meilleure générosité c'est pou être toujours au service de bane serviteurs d'Allah et pou aide zot le mieux possible. Sa inclure, donne manzé à celui ki faim, et aussi prend bien soin de bane besoins de so prochain et pou aide bane pauvres.

Ibn Abbas fine rapporté ki « *Le prophète (saws) ti le plus généreux de tous bane dimounes, et li ti encore pli généreux pendant mois Ramzaan kan ange Jibreel (as) ti pé vine zoine li.* » (Bukhari)

Ene lotte grand bienfait de Ramzaan trouve dans l'embellissement de bane relations familiales. Li triste pou trouver ki de nos jours, bane responsabilités envers la famille fine perdi zot l'importance face à bane l'avènements technologiques d'informations et de communications, par exemple couma, l'accès à Internet, bane jeux vidéo (games) ou ene augmentation de bane dimounes ki abonne zot lors bane réseaux sociales (couma Facebook, Twitter etc.) lors Internet. Ramzaan donne à bane membres de bane familles ki malheureusement pas passe assez lé temps ensam, l'occasion pou zoine ensam pendant *Suhoor* ou *Sehri*, ki repas ki nous prend avant ki nous commence nous *Roza*. Alors de sa façon là, sa amène vers l'unité de la famille. Ene famille unie fortifié ene dimoune ki vertueux, et aide pou construire ene foyer sain, ki ene facteur principal et essentiel au fondement d'ene bon société.

Hazrat Muhammad (saws) fine dire : « *Bane musulmans zot couma bane fondations (d'ene bâtiment), sakaine renforci et soutenir lotte.* » (Bukhari). Ramzaan montré nous ki c'est effectivement le cas. Toutefois, souvent kan Ramzaan aller, alors bane dimounes abandonne tout bane bons valeurs ki zot ti cultiver pendant Ramzaan. Beaucoup rétourne à zot la vie égoïste kot

c'est zot même ki ena charge de sa kalité la vie ki zot améné là. Comment se fait-il ki dimounes capave autant changer ? Eski finalement nous tellement faible face à bane complots de Shaytaan et de so l'armée?

QUELQUES CONSEILS POUR BANE ROZÉDAARS

Afin ki *Roza* rapporte so bane fruits, ene Rozédaar bizin strictement observe bane règlements ki fine prescrire lors sa sujet là. Bane conseils suivants pou permette à ene Rozédaar pou garde so *Roza* dans ene façon convenable ki pou purifié li et rapproche li davantage avec so *Rab*, Allah (twa):

- Prend bien compte de zot l'intention, parski aucaine action pas accepté sans l'intention. À ce sujet, zot capave faire zot l'intention avant soleil levé (avant l'aube).
- Prend compte kan l'heure pou arrête manzé après *Sehri* fine arrivé, parski ena beaucoup musulmans contigné manzé même après l'apparition de l'aube. Zot prétendre ki bane horaires publiés dans bane calendriers ou bane pamphlets zot fausses, et alors zot prend sa comme ene *bahaana* (excuse) pou contigne manzé.
- De même, bizin attane coucher soleil pou faire *Iftaar*. C'est-à-dire, circonférence soleil bizin disparaite enba l'horizon.
- Consacré la majeure partie de zot lé temps dans bane bons travaux, bons actions couma lire *Quran*, faire *Zikr*, *duahs*, *Tahajjud*, *Taraawih*, donne la charité, etc.
- Reste loin avec tout saki Allah (swt) fine interdit et ki ena ene mauvais l'effet lors zot *Roza* ki zot pé gardé, par exemple, ena : la médisance (*ghibah*), attaque l'honneur de ou prochain, palabres etc.
- Pas écoute la musique, pas guette bane séries (feuilletons) ki passé dans télévision ou bien bane films, même après *Iftaar*. Pas perdi lé temps avec bane matches football dans télévision aussi.
- Pas prend trop lé temps kan zot alle faire zot bane shopping dans bane magasins ou bane grandes surfaces.
- Pas gaspille zot lé temps précieux dans zoué dominos, ou cartes, ou billards ou pétanque etc. avec l'intention pou touye lé temps parski Allah pas fine prescrire Ramzaan pour tout sa là.
- Essaye maintenir zot l'équilibre en fezan bane bons actions tout au long Ramzaan. Faire attention à bane attaques de Shaytaan couma mo ti explique zot dans mo Khutba Jummah la semaine dernière. Pas abandonne sa la lutte là à mi-chemin et pas perdi courage. Parski tout sa c'est bien ene l'entraînement intense ki ou pé faire pou gagne bane faveurs de ou *Rab* ki Tout-Puissant pour le restant de ou la vie.
- Contrôle zot passion (*nafs*) ki zot plus grand l'ennemi, parski kan zot pou contrôle zot *nafs*, sa c'est ene très grand *Jihâd*.

- Contrôle la quantité de zot manzé-boire pendant *Sehri* et *Iftaar*. Zot bizin bien modéré, parski sa ena ene bél l'effet lors zot spiritualité.
- Garde zot l'énergie pour la fin Ramzaan, parski bane dix derniers la nuits ena grands valeurs. Alors zot bizin faire le tout pour le tout pou cherche la nuit du Décret (*Laila-tul-Qadr*) dans sa bane dix derniers la nuits là.

Par la grâce d'Allah, mo capave dire très humblement, ki tous mo bane disciples et bane chercheurs de vérités ki fine reconnaite moi comme le Messenger d'Allah, sa humble serviteur ki fine vini pou faire revivre la Foi dans sa siècle là, zot jouir déjà d'ene moment exceptionnel dans zot la vie, parski zot témoigne dézà d'ene *Laila-tul-Qadr* exceptionnel ki apparaîte seulement pendant la venue d'ene Messenger d'Allah. Heureux à bane ki pas fine rejette moi. Sa bane là Allah fine béni zot de par zot l'appartenance à la Manifestation Divine de sa siècle là. Et heureux à bane parmi bane musulmans du monde ki combatte zot bane égos et bane incitations sataniques à sak moment afin pou servir la religion d'Allah couma bizin. Gloire à Allah, le *Rab* ki possède tout Majesté et ki bien Généreux. **Ramadhan Mubarak !**